



**Divus Stanislaus Kostka S.I.**

**Callenberg, Caspar**

**Neuhusii, 1716**

Proloquia

---

[urn:nbn:de:hbz:466:1-69536](#)

PROLOQUIA :

I. ad

Divum STANISLAUM Kostkam.

Kostka tibi *scriptas*, munuscula nostra, *tabellas*,

Offero; qui *sculptas* afferat, ecquis erit?

Non sis *Dive* licet nostro jam *sculptus* in *are*;

In nostro semper *pectore* *sculptus* eris.

2. Ad Lectorem.

Intus inassueto nuper torrebar ab æstu:

Jussa nec hunc æstum Padera tota levat.

Quid faciam? sacros Phœbi convertor ad amnes;

Ipse sed (heu!) sacris Phœbus abegit aquis.

Et niveos, dixit, quid Graculus inter olores

Incestare tuis vis vada nostra labris?

Vatibus hinc solis bibitur: procul este profani:

Si sitias; alio flumine pelle sitim.

Theologia suos an non habet Enthea fontes?

Congruet his annis hæc magis unda tuis.

Possider & fontes gemini Prudentia furis:

Cùm doceas *Canones*; aptius inde bibes.

Sic Phœbus: Phœbo contraria verba parabam;

Quando fuit miris pugna dirempta modis.

Scilicet indecorem miseratus Kostka repulsam

(Kostka Polonorum gloria, stirpis honos:

Kostka brevi *Sancti* decorandus nomine *Divi*.)

Mox alias alio fonte reclusit aquas.

Ecquas,

◎ ◎ ◎

Ecquas, quæris, aquas alio tibi fonte reclusit?  
Ploratas olim Kostka reclusit aquas.  
Accurro; bibulufq; (vetet cùm nemo) sitior  
Kostkæ totam proluo fonte sitim.  
Errat amaritiem lacrymis, qui credit inesse:  
Kostka tuæ lacrymæ nectaris instar erant.  
Vix biberam : toto bullit jam pectore carmen,  
(Forfan at à lacrymis flebile carmen erit)  
Vix biberam : toto sedit jam pectore Kostka  
Quique sedet toto pectore, in ora fluit.  
Hinc plenis Te Dive canā modò Sarmata buccis;  
Factus sum lacrymis quando Poëta tuis.  
Rustice Phœbe vale, Phœbique fluenta valete:  
Kostkæ vestris plus sapit amnis aquis.

### Ad eundem

Cur Iconismi parati sint.

Quæ referat Sanctum, Sancto debetur imago;  
A nostra Kostkæ venit mago manu.  
Et Sancto meriti templum debetur honoris,  
Hoc templum Kostkæ, qui struat, alter erit.

### Ad eundem aliud.

Linquo tubas aliis; tenui modulabor avenâ;  
Est, quando tumidas vincit avena tubas.  
Nemolem timeas operis, brevis esse laboreo :  
Crede mihi labor est non brevis, esse brevem.

*Auratos spondet præfatio pleraque montes ;  
Nostra nihil : nostram pauperis esse scias.  
Pauperis ut fuerit; poterat promittere multum :  
Promissis dives quilibet esse potest.*

### Ad Prodromum.

*Parve (nec invideo) sine me liber ibis in Orbem :  
Currere si malis *Prodrome, curre;* licet.  
Sed caput obfirma; nam quando curris in Orbem,  
Vertigo est capiti sæpe timenda tuo.*



ICHNO-